

佛告苾芻等持者是正道非等持者是非道
是故汝等咸應當知佛說此經已彼諸苾芻
聞佛所說信受奉行

五末

佛說信解智力經

驅五

二經同卷

善樂長者經

聖多羅菩薩經

佛說善樂長者經

西天譯經三藏朝教大師慧禪禪師明教大師廣奉 詔譯

如是我聞一時佛在迦毗羅城與大眾俱是
時有一釋種長者名曰善樂住在本處而彼
長者信重三寶歸依佛歸依法歸依僧唯信
佛法僧不復信於諸餘外道唯求佛法僧善
解苦集滅道見真實理獲大果報而當非久
即證菩提時彼長者於所見色忽然不見
亦時善樂長者遙向世尊作是願言我佛世
尊大慈大悲願施我眼目施我眼光明施我
眼清淨除我眼昏暗發是願已又作是言我
今歸依佛歸依善逝
亦時世尊以清淨天耳過於人耳遙聞彼長
者發願言已即告尊者阿難言阿難汝今持
我秘密神呪往彼釋種善樂長者處與作教

拔護持令得寂靜安樂乃至與彼四眾亦作利益安樂故

尔時世尊為善樂長者等說此清淨眼秘密大神呪曰

怛𦉑𦉑𦉑他引𦉑里𦉑里企里二𦉑係引多
三忽喻忽喻四忽夜引尾底五忽盧忽盧忽

盧六訥訥訥訥盧七

以此清淨眼秘密神呪句力眼得清淨除去昏暗除去翳障乃至除去風毒眼病黃毒眼病痰毒眼病癢毒眼病無腫無惱無若無諸眩淚如是等病皆悉消除復以戒真實力修行真實力苦行真實力秘密神呪真實

力緣生法真實力苦法真實力集法真實力滅法真實力道法真實力須陀洹真實力斯陀舍真實力阿那含真實力阿羅漢真實力緣覺真實力菩薩真實力佛真實力法真實力聖眾真實力以如是等真實力故眼得清淨除去昏暗除去翳障所有風毒眼病黃毒

眼病痰毒眼病癢毒眼病皆不能侵無痛無腫無惱無苦無諸眩淚等

佛告阿難此秘密神呪是過去六正等正覺同共宣說所謂尾鉢尸如來正等正覺室棄如來正等正覺尾說部如來正等正覺訖囉葛忒陀如來正等正覺葛那葛牟尼如來正

等正覺迦葉波如來正等正覺我今第七釋迦牟尼如來正等正覺亦如是說乃至四大天王謂持國天王增長天王廣目天王多聞天王及帝釋天王娑婆界主大梵天王等皆亦隨喜宣說

佛告阿難我未見彼天界梵界及諸魔界乃至沙門婆羅門等界若有人持誦此秘密大神呪三遍者有諸病苦而能侵害所有昏暗內外翳障等乃至天所作病龍所作病夜叉所作病阿脩羅所作病迦樓羅所作病乾闥婆所作病鳩槃荼所作病必隸多所作病富單那所作病羯吒富單那所作病毗舍左所

作病羅刹所作病羯拈陀所作病吠多拳所作病星羅所持乃至中毒及諸邪呪法等悉皆消除又復阿難如是秘密大神呪法若有患者日念三徧是人眼得清淨如前見物此如是清淨眼秘密大神呪有大力故眼得如是清淨除去昏暗及內外翳障乃至風毒障

黃毒障痰毒障瘰毒障等皆悉消除無痛無苦無諸眩淚又復清淨戒真實力修行真實力五通仙真實力賢聖真實力聖藥真實力秘密句真實力緣生法真實力苦法真實力集法真實力滅法真實力道法真實力須陀洹真實力斯陀含真實力阿那含真實力阿

羅漢真實力緣覺真實力菩薩真實力佛真實力以如是等真實力故眼得清淨

爾時世尊復說秘密神呪曰

那謨引沒馱寫一婆誡縛都引悉殿觀滿怛

囉合鉢那莎引賀二

佛告阿難此秘密大神呪若人日日三時與

前神呪同共依法誦念是人所有眼病悉皆消除

爾時尊者阿難白佛言世尊我今承佛聖旨持此秘密大神呪往彼善樂長者處廣為宣說與彼善樂長者及四眾等作大利益佛說是經已尊者阿難及諸大眾聞佛所說皆大歡喜信受奉行

佛說善樂長者經

佛說聖多羅菩薩經

三藏法師法賢奉

詔譯

如是我聞一時佛在香醉山五髻乾闥婆王

宮彼有種種鼓樂絃歌出微妙音

爾時世尊處大殿中與諸菩薩摩訶薩眾俱復有諸大聖眾皆來集會所謂有學無學諸聲聞眾并無量無邊天龍夜叉乾闥婆阿脩羅迦樓羅緊那羅摩睺羅伽人非人等復有無量無邊成就持明持金剛者金剛手及忿